

# Jürg GAUTSCHI

*Cunterfem*

Chasa Editura Rumantscha,  
Chur, 2023



## Jürg GAUTSCHI

### *Counterfem*

Kurzgeschichten, 168 Seiten / pages / pagine

Chur, Chasa Editura Rumantscha, 2023

CHF 28.00

ISBN 978-3-03845-086-3

[www.chasaeditura.ch](http://www.chasaeditura.ch)

#### **Inhaltsübersicht / Bref résumé / Breve riassunto**

Jürg Gautschi präsentiert in seiner ersten Buchveröffentlichung eine Sammlung von über 70 charmanten und geistreichen Kurz- und Kürzest-Geschichten voller Hintersinn und mit viel lakonischem Humor im rätoromanischen Idiom des Sursilvan.

Die Geschichten spiegeln oft anekdotisch den Alltag eines Individuums im urbanen Alltag:

- als Pendler im Stress des öffentlichen Verkehrs
- in der Alltagsroutine, sei es in der Freizeit oder bei den Herausforderungen der modernen Arbeitswelt im Büro, z.B. im Umgang mit den Tücken von IT und Computerproblemen, Helpdesks, Social Media, Mobile-Dating etc.
- im Fitness-Center oder im Training mit dem Personal-Trainer.



Als roter Faden zeigt sich dabei das ständige Bestreben, sich selbst zu optimieren und in Frage zu stellen – sowohl körperlich als auch moralisch: bei der Ernährung, in der Liebe, in der Konkurrenz der Arbeitswelt und überhaupt auf der Suche nach dem Glück.

Ein Bestreben, das auch immer wieder kritisch hinterfragt, reflektiert und nicht selten ironisch und autoironisch kommentiert wird.

#### **Begründung des Vorschlags / Motivation de la proposition / Motivazione della proposta**

Jürg Gautschi schreibt Kurzgeschichten, in denen er sich als präziser Beobachter von Menschen zeigt – auch von sich selbst in der Introspektion – und als überhaupt als wacher und origineller Beschreiber von Alltagssituationen und Zufallsbegegnungen, in denen sich viele Leserinnen und Leser wiederfinden können.

Besonders spannend ist dabei auch, dass diese in einem für die rätoromanische Literatur lange nicht sehr präsenten urbanen Umfeld angesiedelt sind.

Was tut man z.B., wenn man sich vom Zigarren-Rauch des Tischnachbarn gestört fühlt? Setzt man Grenzen, indem man selbst für «Wider-Rauch» sorgt resp. «Counterfem» (contrefumée) – oder lässt man das Verhalten nervender Zeitgenossen wie Rauch gelassen an sich vorbeiziehen?

Gautschi beschreibt Szenen, die auf den ersten Blick banal wirken, auf den zweiten aber in den Gedankenspielereien des Erzählers weiter ins Absurde und Aberwitzige abdriften können.

Das ist besonders der Fall, wenn die Erzählerstimme im inneren Monolog Hypothesen und Vermutungen über Situationen und Personen anstellt und dabei über Fragen sinniert, wie z.B.:

«Was wäre, wenn ...

- Ich einfach grundlos, von einem Polizisten davonrennen würde?
- Ich mich auf eine Arbeitsstelle bewerben würde, bei der ein Exorzist gesucht wird? etc.

In diesen Gedankenspielen und Beschreibungen zeigt sich seine Erfahrung als Autor, Regisseur und Schauspieler in seinen eigenen Theaterstücken:

**Jürg Gautschis Kurzgeschichten verwandeln sich nämlich oft in kurze theatrale Szenen**, bevor der Erzähler wieder in einer oft lakonischen oder (auto-)ironischen Pointe zur Ausgangssituation zurückkehrt, die den Anstoß für die Gedankenspielerei gegeben hat.

Überzeugend ist auch, wie es Gautschi schafft, eine ganze Situation, mit ihrer Atmosphäre und den Personenbeschreibungen auf wenig Raum zu kondensieren. Die Texte sind nie länger als ein bis zwei Seiten.

Das alles wird in einer lockeren Sprache formuliert, nahe an der gesprochenen Umgangssprache, aber präzise und ohne Ballast.

Dabei greift er immer wieder zu originellen Metaphern und Vergleichen.

Zum Beispiel, wenn ein Pendler, der den Platz auf der Rolltreppe nicht freigeben will, ein «carisma dad in suflafein» hat (ein Charisma wie ein Heugebläse) oder: wenn ein Chihuahua Augen hat wie «coccas da meila», wie Apfelküchlein.

### **Biografie / Biographie / Biografia**

Jürg Gautschi (\*1963) ist in Trun in der Surselva geboren und lebt in Zürich und in Ftan im Unterengadin. Er arbeitet seit vielen Jahren als TV-Journalist und DOK-Filmer. Viele Jahre war er Kulturjournalist bei SRF in Zürich und Basel. Seit 2020 leitet er die DOK-Sparte bei Radiotelevisiun Svizra Rumantscha RTR. Er ist studierter Sekundarlehrer und hat auch ein Studium in Theaterpädagogik absolviert.

Jürg Gautschi ist schon länger in der rätoromanischen Literaturszene präsent. Er schreibt und publiziert seit vielen Jahren Kurzgeschichten, z.B. für das Radioformat «Impuls» von RTR.

Er hat aber auch Solo-Theaterstücke geschrieben, die er selbst als Schauspieler auf die Bühne gebracht hat, mit mehreren Rollen und Figuren, auch auf Deutsch.

Z.B. «Fitness. The art of being the best» (2019).

2005 gewann Jürg Gautschi den Premi Term Bel (Hauptpreis) und den Publikumspreis der Rätoromanischen Literaturtage in Domat/Ems.

2023 war er einer der Prämierten des Wettbewerbs OpenNet der Solothurner Literaturtage.

*Jürg Gautschi*

Cunterfem

---



CHASA EDITURA RUMANTSCHA

## Cuntegn

Rutina dalla damaun .....	11
Dilemma tuffus .....	13
Spazi pil battacor .....	15
Ctrl + A, delete .....	17
Gia stezs? .....	19
La princessa .....	21
Tuorta da nuschs :-) .....	23
«Sehr geehrte SBB» .....	25
In carisma sco in suflafein .....	27
Huora hipschters .....	29
Stuer ni vuler .....	31
Miu tempo, tiu tempo, siu tempo .....	33
Helpdesk .....	35
Il culi blau .....	37
Il tgaper spel puoz .....	39
Il patrun e siu asen .....	41
Ina plazza tiegl uestg .....	43
Maglia cun farstan .....	47
Murir senza stress .....	49
(In)correct .....	51
In termin sur miezdi .....	53
Enta parvis .....	55
Tgei tips .....	57
Taf tip .....	59
L'emprema construcziun .....	61
El caffé Chez Toi .....	63
Norma .....	65
Jeu hai fatg ei .....	67
Temps liber .....	71
Odur da caffè .....	73
Con-cen-tra-zion .....	77
La fin gia en egl .....	79
Cun ni senza cuors .....	81
La lunghezia dad in miez calzer .....	83
In tschip el tschurvi .....	85
Jesalina .....	87

Cun ni senza capellina .....	89
Cura che la polizia vegn .....	91
Helicoptrar .....	93
Il Coiffeur Ali .....	95
Sogn Valentin .....	97
La nova muronza ed il preservativ .....	99
Xier En Hen Hensen ni Gretel .....	101
Igl irun e la litgiva .....	103
Ils ratuns dalla Pasticceria Majer .....	105
Buna luna on tualetta .....	107
Furmiclass e pontschips .....	109
Igl art da dir manzegnas .....	111
In tec tema mintga di .....	113
Rullet russ .....	115
Kassel Stadtcafé .....	117
La vit selvadia .....	119
In sco'l Willy .....	121
Il maun nunveseivel .....	123
In di da freid .....	125
Il di suenter .....	127
Propiest pigl onn niev .....	129
Pendida .....	131
Mazzar siemis .....	133
Far plaz .....	135
Sfida olfactorica .....	137
Las furias dad in di .....	139
In goody per in di da lavur .....	141
Sin estri cul bambin .....	143
Requiem .....	145
In seveser nunspitgau .....	147
Quen a tgau .....	149
Per tgei vai atgnamein? .....	151
In maschinist, ina tscharva ed in passagier .....	153
 Tge fiss, sche ...?	
Commentari da Silvana Derungs .....	157
Biografia digl autur .....	160

Si dalla emprema alzada vegn magari ina odur da caffè, dependa da tgei uras naturalmein, aber magari freda ei da caffè. Quei sto esser Eva, mia nova vischina. Jeu hai mirau silla scaffa da brevs: Eva Tscharner.

## Rutina dalla damaun

Igl ei las sis e trenta. Il sveglierin sgregna. Jeu hassegel rutina. Aber la damaun datti buc auter. Rutina ei efficienza. E las sis e trenta ei baul. Oravontut igl unviern. Ed uss eis ei atun. Jeu hai plazzau il sveglierin extra aschi lunsch naven dil letg ch'jeu stoi star si e gia gliez vilenta. Mo silmeins sun jeu lu en pei. Epi eis ei dad ir on tualetta.

Lu turnar en combra ed arver ils barcuns.

Epi on cuschina, metter si caffè.

Lu on bogn, far la duscha.

Anavos en cuschina, far cauld il latg.

Puspei on bogn, metter en las lentinias.

Turnar on cuschina, prender latg e caffè dalla platta, derscher caffè e latg ella scadiola e lu seser e guder l'odur dalla mocca, buontad.

## Giavetsch!

Tschun avon las siat! Treis minutias retard. Sa nua ch'jeu hai piars quellas? Dudisch vargau stoi jeu trer en ils calzers ed in quart vargau ir o da habitaziun. Vegr vargau va il bus e magari eis el memia baul. Vul dir: Esser leu avon!

Quater avon la siat. Prender il müesli, in meil ed in jogurt. Metter anavos il meil, per sgartar tonschi buc. Igl ei las siat, novitads ed en dudisch minutias stoi jeu trer en ils calzers e sevestgir stoi jeu è aunc e lavar dents ed unscher en la fatscha e pachetar il sacados. Jeu straunglel giuaden il müesli.

Punct in quart vargau las siat bandunel jeu la habitaziun. Treis minutus drovel jeu per ir alla staziun dil bus. Ir pli baul fa la tgagia. Per lu esser leu e spittgar. Magari fetsch jeu lu tuttina per sminuir il stress. Mo lu eis leu e spetgas e tratgas: Vesses toch priu in tec dapli peda pil caffè.

Aber gie: sch'jeu munchentel il bus, munchentel jeu il tren.

## Dilemma tuffus

Per ir sil tren la damaun stoi jeu prender in cuort sutt-passadi per arrivar alla scala che meina si tiels binaris. Cuort avon che far la storta per far igl emprem pass sin scala, retegnel jeu adina il flad, per gie buc inhalar quella odur gitta da pésch ch'ei adina leu en quei cantun. Quei sto esser in liug ideal per far pésch per zatgi che po buca retener ni per zatgi ch'ei memoria marschs ni per zatgi senza suttetg. Tuffus eis ei en scadin cass e mulestus.

Ina camera da survigilonza, tratgel jeu, epi fuss quei problem sligiaus. Ed il medem mument seregordel jeu ch'ei dat marcaus sco Londra che han gia installau 600'000 cameras ella publicitat e che colligian quellas datas pli e pli savens cun programs da ledger fatschas, cun consequenzas sco per exempl en China, nua che ti vegnas diffamaus publicamein, ni strufegiaus gia per bagatellas sco per exempl per ir da tgietschen sur via vi. Tut vegn taxau e premiau ni castigiau e tut tenor bloccheschan ei la carta da credit.

Forsa eis ei tuttina meglier da retener il flad quei cuort mument la damaun, cu jeu mon entuorn la cantunada per ir da scala si. Forsa eis ei magari schizun bien dad inhalar il tuffien da pésch per buc emblidar ch'ei dat tschuffatschs e smarschuns e malauns e persunas senza suttetg.

## Spazi pil battacor

Igl ei mesa las otg. Il tren arriva bein pleins. Jeu stun al binari e cun mei ina fuola da glieud che sa: per tutt tonschi buc. Il bia hai jeu ina buna intuiziun e stun, cu il tren stat eri, exact avon ina porta. Oz buc. Oz stun jeu catschaus dalla vart davos silmeins tschun retschas che sefuolan avon porta.

Cu jeu entrel el cumpartiment, ha ei aunc exact dus plazs. Jeu sedecidel sc'in cametg pil pli maneivel gest suenter l'entrada da vart senistra. In plaz en ina retscha da dus. Sil plaz videm sepusa in tip encunter la fenestra. Jeu sesel giu ed el medem mument seglia quel tut agradsi e smeina il cumbel dretg a mi bu-namein en fatscha. Jeu mirel vi. El mira è. E fa buca vanc. Jeu sentinel il battacor. E vesel co il tip aulza il det mussader dil maun seniester sco per dir «fai adatg!». Epi sevolva el anavos encunter la fenestra e tila giu la stora cun in sfrac, malgrad ch'igl ei aunc stgir cheuo.

Jeu prendel miu laptop ord il sacados. Miu vischin seglia puspei agradsi. Stat, fa buca vanc. Sestorscha lu davongiu, sfugata en sia tescha da plastic, pren la tescha e la giacca, stat sin peis e di cul baditschun ch'el vegli ir ed jeu in stress cun pachetar ensemen mia rauba, ch'el va schon davon mei vi, passa giu pil pei seniester e schlaga a mi la tescha en fatscha e va da zuler o.

Puspei battacor.

El tuorna. Jeu stun sin peis e lasch entrar. El sesa giu e tschenta sia tastga davon ses peis e siu pei dretg sin miu seniester. Jeu mirel vi. Muossel la lingia. Il cunfin. El mira e fa buca vanc. Lu pren el ina tuba crema pils mauns e scrola e petga quella pliras gadas cun forza giu sil maun seniester e fruscha lu en ils mauns guess tschun minutias, ils cumbels adina silla altezia da mia fatscha.

Miu laptop hai jeu zacu mess anavos el sacados e zacu hai jeu aunc viu el maun dretg da miu vischin in culi ch'el teneva sc'in cunti. Tut quei ch'el fageva, fageva el cun moviments anetgs, gits, explosivs. E denteren fageva el buca vanc. Sco sch'el vess adina puspei vuliu far spazi per miu battacor.

## Ctrl + A, delete

Ei dat dis ch'entscheivan gia la notg cun ina pressiun da 170 sin 99.

Dis che firmas Vonplon scargan la damaun punct las siat dus containers sil parcadi avon casa ed in tschadun da fier per annunziar sgriziond quater meins canera da bagheggiar.

Dis che la lingia dad internet ei aschi plauna che ti stos dar tut per seretener da buca sfraccar cul pugn la tastatura da tiu laptop ed enstagl decider da far cunter veglia il viadi da duas uras en biro.

Dis che ti vas sil tren ed arrives alla staziun exact il temps che la viafier ha decidiu da buca tener en il tact da mes'ura.

Dis che ti vas a palandrond tras igl areal da stizuns, segrittentond dil tuffien da tiu flad sut la mascrina per setschentiar la finala sin cumà dad in caffé e contemplar el spieghel tia fatscha melna e tia frisura splattergnada.

Dis che ti audas da lunsch la cameriera davos la teca che selamenta dalla schliata luna dils clients.

Dis che ti sedamondas, schebein ti dueies buca far cun tut ctrl + A, delete.

## Gia stezs?

El vesa o in tec sc'ina giraffa. Bratscha liunga, combas liungas, in stengheleri da forsa gissiat onns, il tgau mo pial ed ossa, cavels sco guilas, ureglias sco lavazzas, ils egls en foppas neras. Tut vidad el para grond, magher, transparent, bunamein blau – aschi alva ei la pial.

Quei giuven sesa ina damaun el tren a mi visavi. El porta tschiep e cravatta e strusch semova, sco sche tut fuss smac e freid. Irritonta ei sia egliada stizzada. Aschi stezza ei quella, sco sch'ella fuss aunc mai zacu stada envidada. Giuvens e gia morts, tratgel jeu. Gia la damaun. Sa daco? Sa tgei di che spetga? Tgei schef? Tgei scheffa? Tgei lavour? Sa sch'el ha amitgs, leu nua ch'el lavura? Ni mo concurrents? Tuts ston dar gas. Seprender ensemens. Esser luvrus. Flexibels. Mudests. Cuntents. È cun pli pauc. È damaun. È l'auter onn. Ed insumma. Con flot eis ei dad esser? Con flot da vegnir neunavon la damaun?

Cu jeu bandunel il tren, mirel aunc inaga sin quei giuven e sedamondel, schebein el savess esser in da quels ch'explodescha zacu in di e mazzacrescha ensemens tut.

## La princessa

Ei era inaga ina princessa. Ella seseva sin in crap sper in lag e fageva ina tschera da botsch, aber ella era ina uu biala. Cavels liungs, levzas pulpidas, egls brins ed in nas sc'ina dieua greca. Bellezia. E tuttina veva ella en fatscha ina leva expressiun da disgust sco sch'ella fuss permanentamein levet vilada.

Basta, el era s'inamuraus en quella princessa tochen si e suro e veva in uu stress. La princessa veva massa giavischs. Ella hagi bugen flurs. Ed el, strusch ch'el ha udiu il giavisch, fila tras ils praus e meina di per di in matg flurs pli bials che tschel. La princessa tarlischa. Aber mo cuort. Sco dad envidar ina cazzola e grad puspei stizzar. Jeu hai è bugen brevs d'amur, di ella, aber screttas a maun, e bials spruhs, in la damaun ed in la sera, ed sms e mails e skype e links e likes. El, aunc cul matg flurs frestg enta maun, vegn tut stuorns, metta giun plaun il matg e pren o il carnet da notizias, scriva: spruhs, sms, mails, skype, links e likes e rituals e surpresas e regals, anials, rintgas ni schals e cavels liungs ed in tec musclas stuessi el ver e ferdar bein ed esser profunds, aber buca memia pensivs. El scriva e scriva e survegn il cramf cun scriver.

Scurlond il maun, observa el la princessa che mirava giu ell'aua cun ina tarlischur en fatscha sco sch'ella fuss inamurada.

## Tuorta da nuschs :-)

Hallo, tuorta da nuschs :-)

Bi che ti scrivas e bi che ti havesses è plascher da s'entupar puspei inaga. Resta la damonda cu e nua e schebein nus lein surschar a forzas superiuras dad organisar la proxima sentupada ni sche nus lein prender sezs enta maun la caussa? Jeu fuss per gliez. E ti?

La tuorta rispunda: Hi. Quei fuss bi. Smiley. Il matg vesi o meglier. Questa fin d'jamna sun naven. Cars salids.

In pèr plaids, in pèr salids, grad avunda per cudizar. Nus eran s'entupai inaga dad in concert.

Hallo tuorta :-)

Stau fetg bi da discuorer cun tei. Fuss bi, sch'il di-scuors cuntuass. Quei level jeu mo dir a ti. Biala fin d'jamna ed in salid.

E lu nuot. Tredisch dis buca sun.

E lu: Hallo, scriva ella, hai è quitau bi d'emprender d'enconuscher tei. Sperel da veser tei beingleiti. Sun pil mument empau strapazzada. Perquei la risposta schi tard. Cars salids ed in bien temps. Seretile sur Pastgas en Scozia ed ell'Austria. Smiley.

E puspei vesel jeu ella sco vi da tschei maun dad in flum, cun fatscha allerta, co ella fa segns, muossa culs mauns quater gadas tschun. Quater ga tschun dat vegn. Ed jeu studegel. En vegn minutias giu tiella punt? En vegn dis puspei cheu? Ni ils vegn da zer-cladur? Vegn tgei?, greschel jeu sul flum vi. Ed ella ri e salida epi va ella. Ed jeu sun cheu e tegnel cauld il maletg dalla biala culs bials egls brins.

Bien temps sin tut tes viadis, giavischel jeu. Ed il matg portel lu a ti in puschel flurs sogn Gieri :-)

## «Sehr geehrte SBB»

«Savesses Vus far aschi bien e drizzar o alla direzioni dallas Viasfier federalas che quei tren cheu me-reti buc il num <intercity>. Quei ei el meglier cass in interregio, aber è sco interregio ei quei buca bia dapli ch'in veritabel scrola-buttatsch, per tudestg numn'jeu quei tren <Schüttelexpress>. Buca schanza da vuler luvrar en quei tren senza survegnir schliet, snavurs da febra, attaccas da trembletga. Sil pli tard a Ziegelbrugg stoic calar da luvrar ni riscar da stuer ir on tualetta e rietscher, aber tgi vul ir en quellas tualettas pischentadas, in tuffien.»

La davosa construcziun strehel jeu, per buca riscar ch'il cautren segli grad si e da tetg ora, cu jeu entscheivel cun mia supplica, e sevili sur da quei tu-gnem perpeten da passagiers pupergnai, mintga di, sche mei toch a pei ni cun auto ni cun velo!

Na! Quella reacziun less jeu evitar. Miu intent ei che miu messadi arrivi aschi spert sco pusseivel giu Berna sin in pult relevant dallas Viasfier federalas svizras.

Jeu legel aunc atras inaga mias formulaziuns ch'jeu audel gia «Billette vorweisen» e vesel dalunsch che quei cautren ei forsa buc igl ideal per far l'entschatta da mia campagna per dapli comfort per pendularis. Igl ei in tip cun fatscha gitta, pial melna e caveli liungs grischs, satels, strihai e rimnai en ina cuacavagl ch'ei plitost in pensel vegl isau. Jeu lasch ir el sperasvi. Ed è ils proxims cautrens. Schizun ina cautren che pareva tut simpatica.

Basta, zacu hai lu ughegiau da formular miu gavisch e quei cautren ha lu rispondiu, gie, quei problem seigi enconuschents, mo il meglier seigi, sch'jeu scrivi sez alla direcziun. Sin els negin che teidli. Epi ha el dau a mi l'adressa. Ed jeu hai lu è scret «Sehr geehrte SBB ...» e dapi lu hai udiu nuot.

## In carisma sco in suflafein

Quei tren arriva adina cun retard ed è senza retard ei il temps per midar cuorts. Il bia stoi jeu ir tut a sparuns, oz mon jeu tut ch'ei fa fem enviers la scala rullonta. Bagascha hai mo la tastga sur la schuiala giu. Jeu fetsch in pass vi sin scala e caminel è leu vinavon. Ils biars stattan eri sin scalas rullontas, sco quella dunna che senta ch'jeu vegn e fa lu in pass dalla vart e lai ir mei sperasvi. Auter quei um che stat in pèr pass plinensi bi amiez la scala. Jeu fermel, spetgel, stun avon il tgil dil buttatscheder e spluntel lu hofliamein vida siu dies. Igl um semeina sc'in cametg, sco sch'el vess spitgau ch'enzagti ughegi da surpassar quei cunfin: «Was isch los!?", damonda el mei cul carisma dad in suflafein. Sch'jeu hai capiu el endretg, ha el gest dau in cussegl. Igl um va viaden els sissonta, ha in tgau sc'in buliu surcarschiu cun pastg bletsch, in venterun pelegnus sut in pullover barlac ed ina giacca sc'ina blaha che regorda alla postura d'antruras, cu el era aunc in um sc'in bov ch'ha guess procurau per enqual patangada ina ni l'autra sera da sault.

«I wür gera a Ihne verbii», ughegel jeu precautamein da dir. «Das isch e Rolltreppa, kai Lauftreppa!», ri-spunda igl um cun in rir sfargniu e semeina. Ed jeu stun avon siu tgil gries e sesentel sco sche quei biestg crutsch vess tuffau a mi en fatscha. La glieud, ch'ei s'emplunada davos mei, ri e mira naven, cu jeu semeinel per mirar, tgi che hagi ton gust da mia terrada.

Ina muaglia da pensiunai, ina schenta da dents fauls cun femnam da nas gits e tuppira frisuras.

Duei aunc spluntar inaga?, sedamondel jeu. Igl um vess segir plascher, semenass matei e sgargness, ni spidass, ni mislass forsa schizun. Jeu spluntel buc. Igl um stat sisu, el ei il scheif. Jeu stun sut. Quei selai buca midar. Aunc circa vegen benedidas secundas.

## Huora hipschters

Jeu sesel el tram fullanau. Sper mei stat in um sin peis e legia in cudisch sur da «daytrading». In giuven speculant dalla CS ei quei matei, ni dalla Turitgesa, en scadin cass in cun vestgiu elegant sco ei s'auda e cun calzers che tarlischan, e tarlischar tarlischa è la frisura epi ha'l ina barba liunga, aber cun lezza eis el aunc buca sigl ault dil style dils Turitges cools. Matei in dall'agglomeraziun che sedat breigia da s'integrar, e breigia dat el è puncto efficienza e carriera. Ni forsa ei quei è mo in propiest pigl onn niev: spargnar temps.

Jeu havess la schissa da star sin peis e leger el tram. Mo jeu vesel schon ils avantatgs: diesch minutus cheu e diesch leu, epi has gleiti in avantatg considerabel ch'ei strusch pli da prender suenter per in che mo sesa e mira entuorn. Deien toch far, sch'ei vulan, schuloris. Sevilentel e sai buca daco. E mirel vi e tratgel: Sche schon spargnar temps, lu toch grad endretg. Daco maglias lu buc aunc in sandwich? Tiu maun seniester fuss aunc libers. E las ureglas è. Per aunc tedlar zatgei in podcast perdert. E fitness savesses è aunc grad far. Star sin ina comba, trenar ils ventrels. Epi savesses toch tener il cudisch ed il sandwich mo cun in maun epi vesse liber tschel e savesses far in selfie e metter sin instagram e tgei che ti savesses suenter lu aunc far, studegia toch tez. Huora hipschters. Fan in stress.

## Stuer ni vuler

Tschei di ha ina giuvna dumandau mei, tgei che jeu vulessi, sch'jeu stuessi buc. Quei seigi ina retscherca pigl uffeci cantunal da sanadad.

Tgei che jeu vulessi, sch'jeu stuessi buc? Hm!

Sche nua ch'jeu mondi pia, leva la giuvna saver.

Oh, jeu stoppi grad ir o tiel radio e prender si zatgei.

Stoppi? Mira cheu!

Tgei stoppi?

Jeu hagi grad detg «stoppi»!

Oh, quei dian ins aschia, hai jeu detg. Jeu sappi gie buca dir «Jeu mon o tiel radio», cu ella tegni si mei cheu. Jeu savessi aber dir ch'jeu vegli grad ir o tiel radio e prender si zatgei.

Gie, aber, di la giuvna, ussa vegni ella buc ordlunder, also sch'jeu mo vegli ir o tiel radio ni sch'jeu sappi ni stoppi ?

Tgei sappi ni stoppi? Giez fuss aunc la pli biala! Els han gie detg ch'jeu dueigi veginr. Also els han dumandau mei, sch'jeu vessi gust da scriver zatgei ed jeu hai detg ch'jeu stoppi ponderar, also stoppi, na,

ch'ei fetschi grond plascher, sch'jeu astgassi scriver,  
also ch'jeu vegli bugen, sch'els damondien ...  
... esser erel jeu tut in denter l'auter cun quei vuler ni  
stuer ni saver ni astgar.

E lu di la giuvna: Tenor mias retschercas tochen oz  
eis ei tiels biars aschia! Lu vulan ei zatgei e cu ei  
astgan, sche ston ei!

Ed jeu hai detg: Sche quei cheu ei buca bess raps da  
fenestr'o!

## Miu tempo, tiu tempo, siu tempo

Igl ei las otg e tschuncontatschun, sco adina, sch'jeu  
pos tier il bus e lu il tren. Lu pos jeu pil pli è tier  
il tram e sun sco oz allas otg e tschuncontatschun  
alla staziun finala. Jeu descendel. L'ampla mida sin  
verd, jeu mon sur via vi, dretg e seniester van auters  
ed jeu, profundaus en patratgs, cun pass ruasseivel,  
senza spetgas, senza temas, avon mei stat in di ordi-  
nari, da raschun senza grond stress.

Lu varga da dretg la Bellinda. Ella va cun pass liungs  
e sperts, cun tensiun el tgierp ed ina tenuta resoluta,  
ina che sa, tgei ch'ella vul, ina che tschapp'en,  
cun fiug e detschartadad. E duront ch'ella varga e va  
davon mei vi, sentel jeu ch'jeu hai surpriu siu pass  
e mon uss è cun pass sperts e liungs e sentel in trer  
ella totona, in catsch ed ina prescha, in malruaus  
sco sch'jeu vess retard e stuess schon esser leu e sun  
aunc buc. Aber jeu hai buca retard. Denton definiti-  
vamein ussa piars miu pass.

Miu tempo.


E cun quel è il ruaus ch'jeu vevel e la buna luna.

Jürg GAUTSCHI

*Cunterfem*

Chasa Editura Rumantscha, Chur, 2023

Pressedossier  
Dossier de presse  
Materiale stampa



# LA QUOTIDIANA

FMR Fundaziun Medias Rumantschas, Via da Masans 2, 7000 Cuira, 081 544 89 11, redacziun@fmr.ch



**La diaspora rumantscha a Turitg**  
Diversas occurrentzas da la diaspora na carmalan betg mo persunas da lingua rumantscha.

Pagina 2



**Marcus Beer, in onn president da Ilanz/Glion**  
Avon in onn ha Marcus Beer surpiglià il tgamun da la vischnanca Ilanz/Glion. Ina intervista cun el.

Pagina 5

**FMR FUNDAZIUN MEDIAS RUMANTSCHAS**  
**südostschweiz**

**SURSELVA****Jürg Gautschi scriva «Cunterfem»**

In um cun cigarillo pren plaz alla meisa spella mia, sillia suppia spella mia. Siu fem dat sillia gnrava. Jeu decidel da far cunterfem, prendel o il tubac.» **Jürg Gautschi** ha scret siu emprem cudisch «Cunterfem». Igl autur oriunds da Trun ei enconuschents als/allas Romontsch/as sco autur dils Impuls da RTR. Quellas reflexiuns quotidianas ha igl autur rimnau e publicau sco collecziun da historias cuortas. Ei retracta dad observaziuns ed experientschas ch'igl autur fa en siu mintgadi e ch'el analysescha cun humor ed ironia.

Pagina 7

**SURSELVA****Dus artists romontschs el Volkshaus**

Arno Camenisch e Flurin Caduff ein semussai a Turitg.

Foto AUGUSTIN BEELI

Mesjamna ha l'unun Cultura Rumantscha en la Bassa envidau ad ina sentupada cun dus artists sursilvans. L'occurrenza el Volkshaus a Turitg, sil Helvetiaplatz amiez il marcau, ei stada ina première. Ella sala blaua ein il scribent **Arno Camenisch** ed il cantadur **Flurin Caduff** sepresentai da cumionza. In ei dall'annada 1978, l'auter in onn pli giuvens. Els ein carschi si ensemens, in a Tavanasa, l'auter a Danis. Oz viva Arno Camenisch a Biel e Flurin Caduff a Lucerna. Els han mantenui lur ligioms, ils buns amits s'entaupan adina puspei, seigi per dar tennis ni per ir sin in viadi. Duront la sera che **Corsin Derungs**, il president dall'unun Cultura Rumantscha en la Bassa, ha organisau, ein els sebrattai cun preleger e cun cantar. Denteren han els raquintau da veta e targau. La pianista **Tsovinar Suifyan** ha accumpignau ils dus Sursilvans. (fmr/abc)

Pagina 7

**GRISCHUN****Dal Calanda enfin a Budapest**

Il luf: Quest animal e la discussiun sur dad el vegnan bunamain ora per las ureglas! Ma l'animal na lascha betg fraid. Quai cumprovan era las discussiuns actualas en connex cun las decisioons federalas e chantunalas per reducir ferm quest enviern la cifra da lufs. Amez questa discussiun ha referi mesemna saira il «mister luf», **Arno Puorger**, davart il managment chantunal da lufs. A Cuira ha il responsabel chantunal per animals da rapina gronds recapitulà co e nua ch'ils lufs èn sa derasads en il Grischun. Quell'istorgia è vairamain captivanta – ella sa splega tranter il Calanda, Stagias, il Beverin, il Parc Nazional enfin a Vienna e Budapest. (fmr/dat)

Pagina 3

## Bainvgnüts in Tuoi eir d'inviern

Pervi dal privel d'üna bouda giò dal Piz Buin Pitschen vaiva la Chamonna Tuoi dal Club Alpin Svizzer (CAS) regional stuvü gnir serrada avant ün on per la stagiu d'inviern. Da prümavaira ha ella darcheu pudü gnir drividia.

FLURIN ANDRY/FMR

«Cun differents models han ils perits dal Politecnicum a Turich e dal SFL a Tavo guardà ingio ch'üna bouda giò dal Piz Buin Pitschen rivess cun gronda probabilità», declara **Arno Kirchen**, il manader da las gestiuns tecnicas dal cumün da Scuol. E cha quels hajan muossà tuots il medem, canticueschàl: «La chamonna da Tuoi dal CAS nun es directamaing in privel, material da la bouda rives però sùlla via chi maina vers il stabiliment.» Perquai ha il cumün laschà serrar cun üna barriera il toc da la

**«Il spelm labil dal Piz Buin Pitschen es sco üna spada da Damokles.»**

Heinz Gross, president dal Club Alpin Svizzer d'Engiadina Bassa e Val Müstair Christof Schmidt, hotelier

via periclità e decis eir otras masüras da sgüezza. «Grazcha a quellas vaina pudü laschar drivid al CAS quista stà la chamonna aintasom Val Tuoi», infuorma Arno Kirchen, «ed eir quist inviern po ella esser averta.» Cha'l spelm labil dal Piz Buin Pitschen gnia observà permanentamaing, «scha la situaziun as müda qua reagina be subit.» Heinz Gross, il president dal CAS Engiadina Bassa Val Müstair, suppona cha'l privel da la bouda giò dal Piz Buin Pitschen farà amo lönch pisser a tuots ils pertocs, saja qua il cumün, il CAS ed eir ils alpinists chi vegnan in Val Tuoi.

Pagina 11

*«Sch'ins arriva en in lieu ester e scuntra ina persuna rumantscha, han ins immediat ina colliaziun speziala.»*

Quai di Andrea Brosi che viva a Turitg – Pagina 2



## La Tgesa Jenatsch resta

Igl anviern passo è nia ancunaschaint tg'ena interpresa viglia sbuar la Tgesa Jenatsch anmez Savognin. Senchegl ègl do protestas, tranter oter da vaschigns e d'organisaziuns dalla protecziun dalla patria. Ossa ò igl impressari tragt igl fragn. La tgesa istorica resta aglmanc per igl mument. (fmr/sb)

Pagina 9



50045  
Servetsch d'abunents e da distribuziun: tel. 0844 226 226  
mail: abo@somedia.ch

# Danis e Tavanasa amiez Turitg

Per la tiarza gada ha l'uniun Cultura Rumantscha en la Bassa organisau ina sentupada. Mesjamna ein il scribeint Arno Camenisch ed il cantadur Flurin Caduff representai el Volkshaus a Turitg. Il president dall'uniun, Corsin Derungs, ha astgau beneventar bia glieud a quella premiera.

AUGUSTIN BEELI/FMR

In dad els conta culla Compagnia Rossini. Dapi decennis s'auda gl'ensemble tiels reputai ambassadurs da musica e cultura, en special dalla Romontschia. In dils commembres dalla «Compagnia» ei *Flurin Caduff*. Il bassbariton da 44 onns audan ins savens sco solist da concert ed operas, per exemplu el KKL a Lucerna, ella Tonhalle ed ella Casa d'operas a Turitg. Mesjamna ha el cantau el Volkshaus a Turitg. El, ch'ei carschius si a Danis, ei sepresentaus en in'occurrenza communabla cun in bien amitg. In ch'ei carschius si a Tavanasa e che s'auda tiels scribents etabli svizzers. Siu num ei *Arno Camenisch* e ses 13 cudsichs han status da cult. «Hinter dem Bahnhof», «Der letzte Schnee», «Ustrinkata» e tschels enconusch'ins ella scenza litterara svizra. Il davos «Die Welt» ei cumparius onn targau ella casa editura Diogenes.

## Producziuns alternontas

Quei duett ei sepresentaus sin invit dall'uniun Cultura Rumantscha en la Bassa. «Igl ei la tiarza occurrenza che nus organisein», ha il president *Corsin Derungs* informau en discours culla FMR. Ina mes'ura avon che l'occurrenza en-tscheivi han ins buca saviu sche bia glieud detti suatienschia agl invit. La sala blaua dil Volkshaus a Turitg ei denton stada occupa da bein cu il president ha presentau ils protagonisti. El ha era informau ch'ins hagi fundau l'uniun cun bia slontsch, la primavera vargada hagi ina baselgia pleina gudiui il concert dils treis chorus grischuns a Cham. Dameins glieud hagi gudiui iis 22 da settember in grondius concert dalla Triada cun *Corin Curschellas*, *Ursina Giger*



La pianista *Tsovinar Sulyan* culs dus artists *Flurin Caduff* ed *Arno Camenisch*. Dretg *Corsin Derungs*, era el ei carschius si a Tavanasa.

FOTO AUGUSTIN BEELI

ed *Astrid Alexandre*. Mobilisar la glieud ei buca adina sempel.

Mesjamna sera han bunamein 100 persuns giu interess dalla purschida dalla nova uniun che *Corsin Derungs* ha fundau. Quellas han vuliu mirar e tedlar *Arno Camenisch* e *Flurin Caduff*. Sco ei para ha la sentupada unica dall'uniun Cultura Rumantscha en la Bassa svegliau gl'interess. Igl ei l'emprema gada ch'ils dus artists sursilvans se presentan per ina occurrenza. Els ein buns amitgs dapi l'affonza, in dall'annada 1978, l'auter in onn pli giuvens. Al-

ternond han els presentau lur producziuns, *Arno Camenisch* sia litteratura, *Flurin Caduff* il cant. All'occurrenza han els dau il tetel «Ina sera pil cor», el center ei l'amur stada en tut sias facetas. Amur migeivla, amur casuala, amur passiunada. *Arno Camenisch* ha raquintau d'in «rencontre» casual en ina rondella. El ha fatg quei cun sia mimica tipica, in surrir da furbaz. Sias prelecziuns han – sco ses cudsichs – status da cult. Era ella sala blaua dil Volkshaus eis ei gartegiau ad el da trer l'attenziun cun mintga construcziun.

## Cudizzadas

La pianista dall'Armenia *Tsovinar Sulyan* ha accompignau las biaras parts dil program. Ella ei pedagoga da clavazin, solista e correpetitura. A plirs texts cuorts dad *Arno Camenisch* ha ella saviu dar la tempra poetica, aschia per exemplu alla declaranza d'amur a sia patria, il Grischun. Plirs texts seigien, aschia ha el tradiu, exclusivs ed el prelegi els l'emprema gada. Il divertiment litterar ed il cant dil bassbariton *Flurin Caduff* han schau semegliar cuort. Secapescha ch'ils dus protagonists han era tradiu

empau da lur veta e dall'amicezia ch'ei semantenida tochen oz. Cudizzadas han buca muncau. Quel ch'ei carschius si a Tavanasa ha raquintau ch'el eri pli spert alla staziun, quel da Danis ha replicau ch'el havevi persuenter dapi solegl.

En in intermezzo ha *Arno Camenisch* raquintau ch'els dus fetschien mintgaton in viadi. Pil 40avel anniversari da *Flurin Caduff* seigien els stai a New York. Inagada ein els stai a Londra, avon onns ha *Arno Camenisch* visitau siu camerat a Vienna. Omsidus han ina predilecziun pil sport, en special tennis. E lu han els tradiu da lur temps da scola. «Ti havebas persuenter in pli liung viadi da scola che jeu», ha *Flurin Caduff* getg sin ina piztgada dil scribent. En in da ses cudsichs ha *Arno Camenisch* schizun «perpetnisau» in cantadur d'operas, igl ei negin auter che siu bien amitg.

## Allas nozzas d'ina muronza

El decuers dall'ura e mesa culs dus artists da Danis e Tavanasa, han ins giu caschun da rir e tedlar, las melodias en talian, romontsch ed engles. «Tu sei la mia stella, io canto, io danzo ogni ora per te» ha *Flurin Caduff* per exemplu schau udir. Daferton ha siu camerat legiu d'ina scena ch'el era envidaus ad ina nozza d'ina anteriura muronza. El ha fatg quei cull'expressiun digl innocent ch'ei nuota malcuntents dad esser libers. Quei ch'ei stau donn ei ch'ils dus protagonisti han strusch schau tedlar lur lungatg mumma els intermezzos. Quei che havess fatg senn quella sera ella sala blaua.

# «Jeu decidel da far cunterfem»

«Siu fem dat silla gnarva. Jeu decidel da far cunterfem». «Cunterfem» ei il tetel dall'emprema ovra litterara digl autur sursilvan *Jürg Gauthschi*. Il cudsichet ei vegnius publicaus igl october 2023 ella Chasa Editura Rumantscha.

LUISA CADONAU/FMR

*Jürg Gauthschi*, oriunds da Trun, ei enconuschents ella Romontschia sco autur dils Cuntrasts e dils Impuls da RTR. Las historias cuortas dils Impuls han schon inspirau igl autur da scriver e presentar in toc da teater. Siu toc «L'art d'esser il meglie» ha el presentau 2019 ella Klibühni a Cuera.

Quellas reflexiuns quotidianas ein medemamein il fundament dall'emprema ovra litterara «Cunterfem» ch'ei vegnius publicada igl october 2023 ella Chasa Editura Rumantscha.

Als 32avels Dis da litteratura la sonda vargada a Domat ha *Jürg Gauthschi* presentau per l'emprema ga sias historias cuortas en in discours cun la direcziun della Chasa Editura Rumantscha *Anita Capaul*.

## Hallo tuorta

Ina dallas historias cuortas ha il tetel «Tuorta da nuschs :).». Cun la tuorta da da nuschs ei denton buca manegiau l'enconuschenta petta dultscha. La historia descriva ina paterlada digitala cun ina partenaria cul pseudonim tuorta da nuschs.

«Hallo, tuorta da nuschs. Bi che ti scrivas e bi che ti havesses è plascher da s'entupar». Il protagonist emprova da far econuschientscha cun ina dunna ch'el ha entupau ad in concert. La tuorta da nuschs rispunda suenter tredischi dis: «Sun pil mument empau strapazzada. Perquei la risposta schi tard. Cars salids ed in bien temps.» L'amicezia cun la tuorta da nuschs ei ida dall'aua giu.



*Jürg Gauthschi* ha als 32avels Dis da litteratura a Domat prelegiu entginas da sias historias da siu emprem cudsich «Cunterfem».

FOTO RTR

## Oda al caffè ed aunc in tec fitness

Gia la cuviarta dil cudsich ed entgins telets tradeschan ina simpatia per la buroonda. Las historias «El caffè Chez Toi», «Odur da caffè» e «Kassel Stadtcafé» ein exempels che descrivan il caffè. «Jeu hass-

egiel numnadamein da buc haver caffè la damaun. Aunc mender ei dad haver caffè e buc haver latg!». Il beiber ed il far caffè han ina gronda valur per igl autur.

Ina autra tematica che vegn stedi plidentada ei il fitness. Ella historia «Tgei

tips» descriva *Jürg Gauthschi* ils differents tips ch'ins entaupa el center da fitness. «In termin sur miezdi» ei negin inscunter da lavur, mobein in inscunter denter igl autur e siu trenader personal Goran.


«In tec mal sto ei far» ei la devisa dil trener, «Tgagia sissu» quella digl autur.

## Impuls personals

Las historias da «Cunterfem» ein refleksiuns personals davart las sfidas e las aventuras quotidianas digl autur *Jürg Gauthschi*. Iis texts han humor e describan la sociedad contemporana cun ironia. Ellas fan rir, oravontut sch'igl autur scriva davart agens malpass ni sch'el surpren la rolla d'il burghéis furius che s'agitescha davart ses concarstaguns sco per exemplu sur dils «Huora hipschters».

Entgins evenimenti regordan ils lecturas e las lecturas franc vid atgnas experientschas dil mintgadi. Tut ils pendularis ein seguir d'accord sch'igl autur decide da scriver ina brev da reclamaziun alla VFF per pretender dapli confort.

Las historias cuortas ein screttas a moda divertenta, ein capeiyas e cunquei ch'ei retracta dad historias cuortas ei «Cunterfem» in cudsich ch'ins sa adina puspei prender neunavon dalla biblioteca e sfegliar lien.



Tgi che ha marveglia ni less emprender d'enconuscher igl autur personalmein, ha la caschun da visitar ina prelecziun igl 1. da decembre 2023 das das 19.30 ella sala d'art a Trun.

FOTO MAD